

Oz ei il Di dalla pasch



SETTEMBER

text: Chatriina Josty, illustraziun: Yvonne Giemel,
grafica e fotografia: Theres Jäger
© Lia Rumantscha

KIDSFITSCHE
Lia Rumantscha

Il Di dalla pasch

Co fas ti pasch? Forsa cun dar il maun e dir: «Lein far pasch»? Il Di dalla pasch, ils 21 da settember, duein tuts calar da cumbatter in l'uter. Las armas stuessen atgnamein quescher quei di.

Sin il mund dat ei adina puspei uiaras. Biars carstgauns mieran. Marcaus e vischnaucas vegnan destrui. Famiglias ston fugir da lur dacasa. Suenter las terriblas uiaras mundialas han biars carstgauns detg: «Nus lein mai pli uiara!» Per la pasch denter las tiaras mira l'ONU – l'Organisaziun dallas Naziuns Unidas. Bunamein tut las tiaras dil mund ein commemoras dall'ONU. Mintg'onn entuorn ils 21 da settember fa l'ONU ina gronda conferenza. Per quei ha ella

declarau quei di sco Di internaziunal dalla pasch. L'ONU propona a tuts da far quei di ina minuta da silenzi, exact da miezdi. Ti sas era malegiar quei di simbols da pasch cun rida sin vias e trottuars.

Il plaid romontsch «pasch» vegn dil plaid latin «pax». Ils plaids engles «peace», talian «pace» e spagnol «paz» ein fetg semegliants. Enconuschas ti il plaid «pasch» aunc en auters lungatgs?





Tgei ei pasch?

Co fas ti pasch?

Tgei colurs stattan per la pasch?

Tgei ei bi vid far pasch?




Tgei simbols da pasch enconuschas ti?

Co fan tes geniturs pasch?

Craps da pasch

- 1 Enquera silmeins siat craps. Ils craps duessen esser ualti plats, bia pli gronds ch'in bau da Nossadunna e pli pigns che la miur da Brutus.
- 2 Colurescha mintga crap cun las colurs dalla pasch. Las colurs dalla pasch ein las colurs digl artg: violet, blau, clar-blau, verd, mellen, oransch e tgietschen.
- 3 Cura ch'ils craps ein schetgs, sas ti metter tuts en in veider da confitura e serrar quel cun in uvierchel. In sitget ni ina tastgetta va era.
- 4 Mintga ga che ti has carplina cun zatgi, sas ti schenghegiar a quella persuna in crap per far pasch. Ti sas era far maletgs cun tes craps da pasch: metta si els en in rudi, fai in cor, fai in smiley, fai ina figura ensemen cun tia amitga, etc.



udo
MHP peace



rahu

fred paz

rauhaa

Frieden

paix

uxolo